



Regale Sacerdotium Romano Pontifici Assertum

Sfondrati, Celestino

[Sankt Gallen], 1684

§. IV. Summum Pontificem supra Concilium esse ex SS. Litteris probatur.

[urn:nbn:de:hbz:466:1-63125](#)

§. IV.

**Summum Pontificem supra Concilium esse ex J.S.
Litteris probatur.**

Summary.

1. *Expeditor celebris locus Deut. 17.*
2. *Et Matth. 16.*
3. *Luc. 22.*
4. *Ioann. ult.*
5. *Auctor. 151*
6. *Scripturam semper Pontifici, nunquam Concilio Primatum deferre.*

Primus locus est *Deut. 17.* jam a nobis expensus §. 2. ubi licet expressa mentio magni Concilii Sanedrim fiat, ad quod causæ dubiæ & inextricabiles referri debeant, ut tamen intelligas ultimum judicium, & quo causa finietur, non Concilium otius, sed summi Sacerdotis fuisse, adjungitur. *Qui autem superbierit nolens obedire sacerdotis Imperio, qui eo tempore ministri Domino Deo tuo, & decreto iudicis, morietur homo ille.* Ubi vides non dici: *Qui autem superbierit, nolens obedire Concilii vel sacerdotum imperio, sed Sacerdotis imperio,* penes quem summa erat adiutorias decidendi. Ad hunc celebrem locum *Deuteronomii* intelligendum notentur sequentia.

Primo fuisse septuaginta Judices in loco Sanctuarii, qui erant de Consistorio, quod vocabatur Domus Judicij: hi vero amitebant summo Sacerdoti iudicanti, non solum ut Consiliarii, sed etiam ut habentes potestatem iudicandi, quemadmodum & Episcopi in Concilis, qui non tantum consulunt, sed vere decidunt,

ut Ba-

288 Summum Pontificem supra Concilium esse

ut patet ex eorum forma subscribendi, & ideo in litte 2, ubi noster habet: *Indicabunt tibi iudicij veritatem: Septuaginta vertunt: Annuntiabunt tibi iudicium.* Vide Abul. in hunc locum q. 4.

Notandum 2. Summum sacerdotem solum nomine & consensu omnium tulisse sententiam tanquam Praesidem Concilii: quemadmodum in Conciliis videmus, Legatos summorum Pontificis nomine etiam ex suffragiis Patrum decreta statuere & pronuntiare. Abul. cit. q. 4.

Notandum 3. Præcipuas tamen in Concilio judicandi partes ad summum Pontificem pertinuisse, non tantum quod ipse sententiam proferret, sed etiam quodd scissis in diversas sententias partibus ea prevaleret, cui Pontifex accederet, nec posset Concilium contra illum prævalere, quod ex multis patet, nam, ut diximus, Pontifex nomine omnium sententiam dicebat: nunquam verò sententiam diceret, quam improbareret: eratque hoc Concilium ultimum tribunal à quo, ut ex verbis patet, non dabatur appellatio: lis autem finiri non potuisset, nisi ex Pontificis sententia; quis enim alias discordantes, auctares numero componeret, maximè cum Pontificis suffragium multis aliis æquivaleret? Et ideo in littera summi Pontificis semper est mentio: *Facies quocunque dixerint qui præsunt loco, quem elegerit Dominus.* (hi erant summi Sacerdotes) & docuerint te juxta legem ejus, sequentesque sententiam eorum, nec declinabis ad dextram neque ad sinistram. Qui autem superbierat, nolens obedire Sacerdotis imperio, qui cōtempore ministrat Domino DEO tuo, morietur homo ille. Ubi vides, summam iudicandi potestatem summis sacerdotibus adscribi, qui in officium Pontificale sibi succedebant. Quod expresse dicitur *Num. 27. v. 21. Pro hoc si quid agendum, Eleazar Sacerdos consuleat Dominum: ad verbum eius ingredietur & egredietur ipse Iosue*, & omnes filii Israël cumeo, & cetera multitudo.

Notandum 4. Solus summi Sacerdotis fuisse, siquid in lege expressum non esset, Deum & Oraculum consulere, quod fiebat vel per Prophetam, sine quo Sacerdos Magnus teste Josepho apud Apulensem hic q. 4. nunquam pronuntiabat: vel per Oraculum, Deo ex Sanduario (quod soli Pontifici aditus patebat, *Levit. 16.*) responsum ad quæsita reddente: vel denique per rationale *Urim & Tummim*, quæ vestis erat summi Sacerdotis gemmata, quâ pectus vela-

69 14

velabat, habebatque magnis literis hæc duo verba inscripta: *Doctrina & veritas.* Et quia ex hac veste Oracula fundebantur, græcè vocatur *Lōgion*, quasi dicas vestem sermocinantem; sciendum enim est, summum Pontificem per hanc vestem pectoralem solitum fuisse Deum in dubiis consulere, ab eoque responsa accipere, ex quorum præscripto populo ius & sententiam dicebat, ut patet *Exod. 28. n. 30.* *Es gestabit iudicium filiorum Israël in pectori suo in conspectu Domini semper.* Quamvis Interpretes de modo Oraculi dubitent. Alienima volunt fuisse adamantem limpidissimum, qui populo scelere aliquo impatiato, colore fusco tingeretur: si à Deo irato poena aliqua impenaderet, sanguineo ruberet: innocentem populo instar nivis candesceret. Alii dicunt, in gemmis, quæ rationale integebant, velut in speculis Deum per imagines & symbola, quæ fieri vellet adumbrasse. Alii duo parva simulacra Dei vel artificium manu affabre facta, quæ inter sinus pliisque rationalis Sacerdoti responderent. Alii denique ipsas gemmas rationali intextas, per quas Sacerdotem Deus irradiabat, ut aptè ad quæsita responderet, quæ propterea *Urim & Tumim*, hoc est, *doctrina & veritas*, dicebantur, quod doctrina & sententia sacerdotis verissima esset. Quâ ratione apud Ægyptios summus Sacerdos imaginem veritatis in sapphiro sculptam ad pectus è collo gestabat teste *Æliano I, 14. c. 34.*

Notandum 5. Judicem, cuius in hoc textu *Deut. 17.* aliquoties fit mentio, fuisse aut ipsum summum sacerdotem, aut ejus Vicarium, à quo ad ipsum Pontificem appellatio non dabatur: *Interdum enim, inquit Abulensis in hunc locum q. 5. Summo Sacerdote occupato, aut aliás absente Vicarius suus loco ejus proferebat sententiam ex consensu aliorum Judicum, id est, Seniorum de domo Concilii sive iudicii, & tunc si aliquis non obediret Decreto ejus, mori debebat, cum non esset alius judex superior.*

Notandum 6. Illa verba quæ in nostra vulgata habentur: *Et doceverint te iuxta legem ejus, intelligenda esse assertivè, hoc est, sententiae & iudicio sacerdotis acquiescere debent subditæ, & præsupponere, sacerdotum & Pontificum iudicium esse juxta legem Dei, ut habetur Malachia 2. v. 7. Labia sacerdotis custodiunt scientiam, & legem requiringent ex ore ejus, quia Angelus Domini exercitum est; nisi videlicet manifestissimè constet, sententiam Pontificis cum lege Dei pugnare, alioqui frustraneum & evanidum erit iudicium sacerdotis, si, quoties tibi aut*

○ ○

alteri

290 Summum Pontificem supra Concilium esse
alteri videtur, recusare liceat; cui enim hæc exceptio præstò non erit?
eccur ad sacerdotes & Pontificem mittor, si melius mihi quam sacerdo-
ti de sensu & sententia scripturæ legisque divinæ constat? immo alium
judicem constitui oportebit qui de sententia Pontificis ferat decernat-
que, an ea juxta vel contra legem Dei sit dicta; & de hoc judice
non minus quam Pontifice dubitari poterit, sicque lites erunt immor-
tales & inextinctæ. Quodsi velis tunc solùm obediendum esse sacer-
doti, cum ejus sententia manifestissimè in lege Dei est expressa, repu-
gnas planè verbo Dei apertòque textui & rationi; nam quæ sunt evi-
dētia, non egent judicio & sententiā supremi Magistratū: & scrip-
tura aperte dicit: *Si difficile & ambiguum apud te judicium esse per-
spexeris inter sanguinem & sanguinem, causam & causam, &c. & ju-
dicum intra portas tuas videris variare sententias, &c.* quæ omnia
ostendunt, voluntatem Dei esse non tantum in rebus apertis & clariè à
Deo præceptis, sed etiam in dubiis standum esse Pontificis iussu & sen-
tentia: & idèò in versione Græca septuaginta sic habetur: *Et cuſto-
dies valde facere juxta omnia quæ fuerint indicata tibi; juxta legem
& juxta judicium quod dicent tibi, facies, &c.* Eodem modo ha-
bent Hebraica & Chaldaica, in quibus non apponitur illa clausula *jux-
ta legem DEI*, sed supponitur & præsumitur, in dubio nihil contra
Dei verbum & legem Pontificis & Concilium judicaturos.

Vides ex hac tenus disputatis, quæ fuerit auctoritas, & quam
multæ prærogativæ in lege Mosaica summi Pontificis supra Con-
cilium; solus nimis Pontifex sanctuarium ingreditur respon-
sum in dubiis à Deo accepturus, solus Oraculum consulit & à
Deo edocetur, solus judicium & veritatem ad pectus gestat, solus
sententiam in Concilio pronuntiat, soli denique summo sacerdo-
ti, non Concilio dicitur: *Qui autem superbierit nolens obedire sacer-
dotis imperio, morte morietur.* Hæc prærogativæ in lege Mosaica
summo Pontifici concessæ, cum non pertinuerint ad leges ceremonia-
les, sed potius ad morales, videlicet unitatem Ecclesiæ, pacem fidelium,
discordias, & schismata vitanda, litésque finiendas, multò magis con-
cedendæ sunt Pontifici Romano in statu legis Evangelicæ, ne di-
camus melius Deum antiquæ quam novæ legi providisse, plus Syn-
agogam quam Ecclesiam, hoc est, plus ancillam quam sponlam
dilexisse.

II, Secun-

II. Secundus locus Scripturæ habetur Matth. 16. ubi cùm Christo Apostolos roganti : *Vos autem quem me esse dicitis?* respondisset Petrus : *Tu es Christus Filius Dei vivi*: subiecit Christus : *Beatus es Simon Bar-jona, quia caro & sanguis non revelavit tibi sed Pater meus qui in cœlis est*: & ego dicotibi, qui aures Petrus. & super hanc Petram adificabo Ecclesiam meam. & Portæ inferi non prævalebunt adversus eam. *Et tibi dabo claves regni cœlorum, & quodcumque ligaveris super terram, erit ligatum & in cœlis : & quodcumque solveris super terram, erit solutum & in cœlis.*

Circa hæc verba Christi ad Petrum, ut ex illis efficax argumentum ducatur, notanda sunt aliqua.

Notandum igitur primo: Christo interrogante : *Vos autem quem me esse dicitis?* reliquos Apostolos tacuisse, & velut quid responderent hæsitasse; quamvis enim ante hanc Petri confessionem Christum Deum esse credidissent Matth. 14. 33. tot videlicet miraculis & Christi assertione toties edocti, valde tenuem talam rudemque, & velut confusum de hac re conceptum formabant, nesciebantque quâ ratione Christus Filius DEI esset, an videlicet per æternam generationem, consubstantialitatem, aut alio modo; que inadmodum qui Astrologiæ imperitus procul in cœlo stellam aliquam intuetur, scit quidem stellam esse, sed mobilem an fixam, quâ magnitudine, altitudine, situ, motu, influxu, non audet dicere; sic neque Apostoli de Christo. Sed Petrus clarius, distinctius, subtilius à Deo illustratus aliis tacentibus responsum occupat, & animosè constantérque Christum DEI esse Filium unigenitum, Consubstantialem, æternum pronuntiat, & à Christo prolixè laudatur : *Beatus es Simon Bar-jona, quia caro & sanguis non revelavit tibi sed Pater meus qui in cœlis est.* Ex quibus Christi verbis volunt aliqui morem profluxisse, summum Pontificem specialiter *Beatissimum Patrem* compellandi.

Hæc verba : *Tu es Petrus, & super hanc Petram adificabo Ecclesiam meam*: omnino ad Petrum spectare, qui propterea Petrus Ecclesiæ nominatur, quia ejus Pastor & Rector universalis est constitutus; hoc enim conceptus ipse literalis evidenter ostendit, Christo semper ad Petrum & de Petro loquente, illique respondentे, ut patet litteram examinanti, habentque omnes versiones; nam Syriaca habet: *Tu es Cepha (petra) & super hanc Cepham adificabo Ecclesiam meam.* Hebraica, quam velut authenticum & autographum Matthæi Evangelium

292 Summum Pontificem supra Concilium esse
edidit Munsterus, eodem modo: *Tu es Cepha, & super hanc Cepham*
&c. Armenica: *Tu es rupes, & super hanc rupem &c.* Arabica: *Tu*
es saxum, & super illud saxum &c. Æthiopica: *Tu es rupes & super*
hanc rupem fabricabo domum Christianam. Ægyptiaca: *Tu es hic Pe-*
trus, fundabo Ecclesiam meam super hanc Petram. Pe sica: *Tu es*
Sanac (petra) & super hanc Sanac adificabo, &c. Paraphasis Petrica:
Tu es Sanac, id est fundamentum & Judex, &c. (a) Cui ergo latina
versio non scripsit: *Tu es Petra, & super hanc Petram adificabo Eccle-*
siam meam? Quia secuta est Græcam, in qua πέτρος & Petra aquæsa-
xum significant, allusitque ad nomen proprium & appellativum Petri
& Petras. (b) Et ideo omnes SS. PP. Græci Latinique Petrum vo-
cant Petram, crepidinem & fundamentum Ecclesiæ V. Concilium
Chalcedon, *Act. 13.* Athanasium in epist. ad Felicem Papam. Chrylo-
stomum homil. 55. in Matth. Leonem Papam in Anivers. sua Assumpt.
Anacletum epist. 3. c. 3. Cyprianum de unit. Ecclesiæ, & in epist. ad Quin-
tum. & lib. 4 epist. 9. Origen. homil. 5. in Exod. & homil. 6. ad Rom. Hi-
larium lib. 6. de Trinit. Basili. l. 2. de Spiritu S. Ambros. Luc. 5 & serm. 47.
Hieron. in hunc locum Matth. & l. 1. contra Jovinian. & Hierem. 16 &
Ezech. 4. Gregorium l. 4. epist. 32 & 33. l. 3. epist. 37. August. serm. 11.
24. 20. 29 de Sanct. & serm. 124. de Temp. & videatur etiam c. loqui-
tur Dominus 24. q. 1 c. non turbatur 42. q. 1 c. Fidel. d. 50.

Nec obstat quod D. August. l. 1. Retractat. c. 21. aliique Patres
dicant, Petram de qua loquitur Christus, esse fidem & confessio nem
Petri ipsumque Christum, cui velut petrae lapidique angulari Ecclesia
innititur; id enim verissimum est, nec pugnat cum priori & litterali
exceptione; nam & fides & confessio Petri est fundamentum Eccle-
siæ in abstracto, & tanquam ratio ob quam Petrus ejusque successores
sunt facti Primates & Pastores universales Ecclesiæ, à quibus Ecclesia
firmitas, & in vera doctrina constantia tanquam ex certa & infallibili
regula pendent, quem sensum habet Epiphanius l. 2. contra heres. in 59.
Christus. verò longè magis longèque principalius Petra dicitur l. ad
Corinth. 3. c. 10. quia quidquid soliditatis & firmitudinis habet Pe-
trus ejusque successores, totum est ex meritis, gratia & providentia
Christi, cuius Vicarius tantum est Petrus; adeoque quicquid potest
statim

(a) Vide Cornelium ex Petro victore in Annotat. ad Noyum Testamentum.

(b) Vide Dictionarium Scapulæ Græco-latinum.

statis, auctoritatis & soliditatis in vicario est, multò pleniùs & excellētiūs erit in Principali, & propterea S. Thomæ & Theologorum communis est intentia, potestate excellentiæ, quæ fuit in Christo, nec Petro, nec Papæ communicatam fuisse. Eodem pacto licet omnes Apostoli dicantur fundamenta Ecclesiæ *Apoc. 21.* & *ad Ephes. 2.* quia toto orbe terrarum Ecclesiæ fundarunt & instaurarunt, istas isti, alias alii, illisque æquè ac Petro revelata sunt immediate à Dœ fidei & Religionis nostræ mysteria, quæ voce & scriptis ubique terrarum docendo Ecclesiæ fundarunt, Petrus tamen specialissimè, magnaque cum prærogativa fundamentum Ecclesiæ à Christo constitutus est, quia & caput erat Apostolici Collegii, & ut Pastor non tantum delegatus ad plenitudinem causarum ut ceteri Apostoli, sed ordinarius, & potestatem suam ad successores transmissurus, sicq; non tantum semel, aut initio Ecclesiæ nascentis, sed semper, & quamdiu illa duraret, fundamentum in successoribus suis facturus, quod omnes Catholici docent, creduntque. Audi S. Hieronymum *l. 1.* *contra Jovian.* *Licet super omnes Apostolos ex aequo Ecclesia fortitudo solidetur, tamen propterea inter duodecim unus eligitur, ut schismatis tollatur occasio.* Et plane æquum fuit Petro ante alios Apostolos Christi divinitatē tam promptè constantēque testanti majorem etiam quam illis potestatem concedi, ut ipsa Christi verba ostendunt Petrum tantum allocutus, & omnia in illius laudem, fidem & remunerationem flectentis.

Nolandum 3. Hanc Petri dignitatem, summiq; Pontificis munus non fuisse cum ipso Petro extictum, sed ad ejus successores Romanos Pontifices dimanasse, quod est de fide, & in Concilio Constantiensi *eff. 8. 15. & 27.* definitum, traduntque omnes SS. Patres, ut videre est apud Bellarm. *l. 2. de S. Pontif. Suar. de fide d. 10.* & ex perpetua summorum Pontificum successione constat, de qua S. Leo *ser. 2. de Anivers. Assumpt sua.* *Manet dispositio veritatis, & B. Petrus in accepta fortitudine Petra perseverans, suscepta Ecclesiæ gubernacula non relinquit, perseverat videl. Petrus & vivit in successoribus suis.* Et ipsa ratio idem evincit; non enim semel tantum & initio constructionis Ecclesia fundamento capite, Pastore indiguit, sed semper multoque magis Christo & Apostolis abeuntibus, gratiā miraculorum restricta, & tanto agmine hæreticis Ecclesiæ, & maximè Romanos Pontifices.

294 Summum Concilium supra Pontificem esse
rifices in currentibus, ut videl. quod eleganter dixit B. Cyprianus *l. i.*
ep. 3. *Gubernatore sublato atrocius atq; violentius circa naufragia*
Ecclesiæ hostis grassetur.

Hicce prænotatis, quæ negari salvâ fide non possunt, facile
jam fuerit ex allegato textu *Matth. 16.* superioritatem Pontificis
Romani supra Concilium ostendere. Romanus Pontifex succes-
sor Petri fundamentum est non unius vel alterius Ecclesiæ, nec
omnium Ecclesiarum sigillatim tantum & sparsim sumptatum,
sed absolute Ecclesiæ Christi, ergo multò magis Concilii univer-
salis, quod non est propriè, sed repræsentativè tantum Ecclesia
Christi; quod verò repræsentat, semper minus est repræsentatio
quà tali; si ergo est fundamentum Ecclesiæ & Concilii Romanus
Pontifex, ab hoc Concilium, non ipse à Concilio pendebit, soli-
ditatem & firmitatem in rebus fidei Concilio dabit, non accipiet:
& Concilio nutante, ut olim Ariminense, & Ephesinum secun-
dum, ipse stabit durabitque, ut Petram decet, nisi forte fundamen-
tum aliquod singas, quod non sustentet, sed sustenteretur, quod non
portet, sed portetur, hoc est, fundamentum non fundamentum,
petram non petram, &c.

Si Petrus ipse Concilio assideret, aut alias in Ecclesia versare-
tur, nemo utique negaret, in rebus fidei decidendis illum omni Con-
cilio potiorem fore, nec ullius auctoritatis aut momenti Conventum
futurum, qui Petro contradiceret; idem ergo de summo Pontifice
dicendum est, licet enim non eadem sit persona Inocentii & Petri,
eadem tamen est potestas, auctoritas, sacérque principatus, & uter-
que fundamentum Ecclesiæ.

Quando Christus Petro, ejusque successoribus dixit: *Super*
hanc Petram ædificabo Ecclesiam meam; vel hoc dixit Petro summo-
que Pontifici ut ab Ecclesia distincto, ejusque capiti, vel Petro ut
Ecclesiam repræsentanti, ita ut promissio tota in Ecclesiam dili-
geretur: si primum, ergo Petrus ejusque successores indepen-
derabant ab Ecclesia & Concilio sunt fundamentum & firmamentum
Ecclesiæ, & Concilium à Papa separatum tantum valebit, quan-
tum domus à fundamento divisa. Si secundum dicas, verba scri-
pturæ apertè torquentur, cùm Christi verba & promissio in solum
Petrum dirigantur: immo & ridiculus evadit sensus, & perinde est,

ac si

ac si dicat Christus: *Fundabo Ecclesiam super Ecclesiam*: quid enim est aliud Petrus repræsentans Ecclesiam, quam ipsa Ecclesia in Petro repræsentata? & quid possit dici à vera ratione & communi loquendi modo alienius, quam Legatum, qui repræsentat Regem, esse fundamentum Regis; aut imaginem Palatii esse fundamentum, cui Palatium imponitur? cùm contrarium potius dicendum sit. Verum quidem est, eam permissionem fuisse non soli Petro factam, sed toti Ecclesiæ, quia sicut fundamentum non est propter se, sed propter dominum; nec Rex propter se, sed propter Regnum; quamvis nec fundamentum à domo pendeat, nec Rex à Regno; ita potestas & sacra Petri Monarchia non est propter Papam, nec in ejus gratiam & utilitatem principaliter instituta, sed Ecclesiæ; sic tamen, ut ab hac non dependeat, & hæc ipsa independentia cedit in Ecclesiæ bonum, sicut independentia Regis à Regno, & Gubernatoris à nautis, & navigantibus istorum salus & emolumentum est: perirent si imperarent: & in hoc sensu verum est, Petrum repræsentasse Ecclesiam, ut optimè animadvertisit D. Aug. *Tr. ult. in Ioann.* & *in Psalm 108.* & *serm. 13 de verb. Domini.* nec aliud voluit ubi scripsit: *Petrum Ecclesiæ figuram gessisse, eamque repræsentasse.* *Tr. 50 in Ioan.* *I. de doctr. Christ. c. 17.* & *de agone Christi c. 30.* Denique animadversandum est, non dixisse Christum: *Tu es Petrus, & te super Ecclesiam adificabo, sed Ecclesiam super te:* jam verò si Concilium prævalet Petro, & istum docet, corrigit, judicat punitq; , Concilium esset Petra, non Petrus; dicendumque esset: *Concilium est Petra, & super hanc Petram ædificabo Vicarium meum.* Volve revolve sacram Paginam, sanctosque Patres quantum voles, nunquam invenies Petrum ædificari super Ecclesiam: claves Ecclesiæ committi super Petrum: Petrum pascentum aut docendum commendari: sed semper contrarium, ut proinde mirari subeat, ubi hanc dicendi phrasin modumque didicerint; *Concilium est supra Papam, hoc est, oves sunt supra Pastorem, discipuli supra Magistrum,* & fundamentum gestatur à domo.

Eandem probandi energiam habent alia verba, quæ sequuntur
Matth. 16. Et tibi dabo claves Regni Cœlorum, & quodcumque ligaveris super terram, erit ligatum & in cœlis, & quodcumque solveris super terram, erit solutum & in cœlis. Per claves significatur summa potestas

tum

296 Summum Pontificem supra Concilium esse

tum ordinis tum jurisdictionis in totam Ecclesiam, quam notâ & familiari in Evangelio phrasî *Regnum Cœlorum* Christus vocat, teste B. Gregorio homil. 12. in *Evangel.* Clavibus potestatem significari & dari, habemus *Isata c. 22. Apoc. 3. & 1.* & passim in jure notum est ex l. *Clavibus 74. de contrah. empt.* & §. 45. *Instit. de R. D.* habetque communis usus modusque agendi; cui enim claves horrei vel thesauri traditæ, liberam utique committo potestatem claudendi, aperiendi, excludendi, admittendi, &c. cur enim aliâs traderem? & hæc clavum promissio (nam actualiter traditæ sunt claves Joannis ult. Christo à mortuis regresso) specialiter adeo in Petrum directa est, ut videatur Christus expressis Petri nomine, cognomine, Patre, pronomine demonstrativo, dictione copulativa, aliisq; characteribus, anxie laborâsse, ne alteri videatur claves supremamque potestatem promisisse: *Beatus es*, inquit, *Simon filius Jona, & ego dico tibi, quia tu es Petrus: & tibi dabo clavis Regni Cœlorum, &c.* Quid plus agere aut scribere posset notarius, ut nomen proprium certæ alicujus personæ in instrumento publico exprimeret? & quamvis *Matth. 18. & Joann. 20.* etiam reliquis Apostolis collata fuerit potestas ligandi, solvendi, remittendi que peccata, nunquam tamen commissæ claves regni Cœlorum: ut intelligas, potestatem ligandi & solvendi ad Episcopos aliosque Sacerdotes, limitatètamen, & pro determinatis Ecclesiis pertinere; sed claves totius Regni Cœlorum soli Petro ejusque Successoribus commissas fuisse. Sicut enim aliud est claves ærarii, aliud pecuniam ex æratio habere: illud plenitudinem, hoc portionem tantum potestatis ostendit: Ita aliud est claves habere Regni Cœlorum, aliud potestatem ligandi, solvendi; hoc partem; illud totum significat. Audi beatum Hilarium & expende in *Matth. 16.* *O beatus cœli Janitor, cuius arbitrio claves æterni aditus traduntur: cuius terrestre iudicium præjudicata auctoritas fit in cœlo, ut qua in terris aut ligata sint, aut soluta, statuti ejusdem conditionem obineant & in Cœlo.*

Si ergo Pontifici non Concilio traditæ sunt claves regni cœlorum, major utique potestas aperiendi claudendi penes Pontificem, quâm Concilium est, nec poterit Concilium aperire quod Pontifex clausit; claudere quod aperuit: quomodo enim aperiat claudatque sine clavibus; aut si claves etiam in Pontificem haberet, ostendat, unde acceperit, & ubi Christus dederit Concilio, aut Eccl.

Ecclesiæ claves & auctoritatem in Papam, dixeritque: *Dabo tibi claves in Petrum*; Sicut Petro dixit: *Dabo tibi claves in Ecclesiam, & Regnum Cœlorum*, & consequenter etiam in Concilium; nec enim Concilium majus est Ecclesiæ, quam repræsentat, sicut nec Principis Legatus, aut Procurator, major ipso Principe. Si ergo Papa claves habet Regni Cœlorum & Ecclesiæ, quod nemo Catholicorum negat, sicut de Petro negare non potest, ergo etiam, & multò magis habet claves Concilii, poteritque quod hoc clausit ligavitque, aperire & solvere. Patrum testimonia, quæ huc faciunt, suo & proprio loco dabimus.

III. Tertius locus est Lucæ 22. Ubi sic Petrum Christus alloquitur: *Simon, Simon, ecce Sathanas expetivit, ut cribraret vos, sicut tritum; ego autem rogavi pro te, ut non deficiat fides tua, & tu aliquando conversus confirmas fratres tuos.*

Hic duæ prærogativæ Petri, ejusque successorum Pontificum notantur. Prima, quod pro illo specialiter Christus curat, orat, providetque, ne illius fides deficiat, cum enim jam destinatus esset fundatum, Pastor, caputque Ecclesiæ, major illi cura impenditur, quia illius error & calus in doctrina fidei omnium error & calus esset, nec primâ cathedrâ errante, alia major cathedra esset, quæ primam corrigeret: nec ulla in rectum linea tenderet, obliquâ & inclinante regulâ. Cur vero major esset cura & sollicitudo Christi pro Petro, ut reliquis Apostolis à Satana expetitis, pro hoc solo specialiter & enixius oretur, nisi ab isto magis, quam ab aliis Apostolis Ecclesia & Religio penderet? si Petrus ab Apostolis, Pontifex ab Episcopis & Concilio pendet, & istorum judicium ultima veritatis & fidei regula est; cur non pro ipsis potius, ne deficiant oratur, quam pro Petro? recta enim ratio & prudentia volunt ea plus curari, quæ majoris pretii sunt & momenti, ac ne perdantur, plus custodiri.

Secunda prærogativa illis verbis expressa est, ut Petrus suos fratres, hoc est, fideles omnes conservet, confirmetq; & consequenter etiam Concilia, ea suâ auctoritate congregando, & congregata, si non legitimè procedant, corrigendo, & etiam dissolvendo, ut factum est in Concilio Ephesino 2. Ariminensi, Basileensi &c. Confirmare autem ad eum pertinet, qui majoris auctoritatis,

Pp. & po-

298 Summum Pontificem supra Concilium esse
& potestatis est, ut patet in confirmationibus omnium electionum,
alienationum, testamentorum, &c. Ceterum ne quis putet nostram
hanc esse tantum textus Evangelici explicationem, audiendus est S. Leo
serm. 3. sua Assumpt. Quoniam Diabolus, inquit, omnes exagitare, om-
nes cupiebat elidere, & tamen specialis à Domino Petri cura eligitur, &
proinde Petri proprio supplicatur, tanquam aliorum status certior si
futurus simens Principis victa non fuerit. In Petro ergo omnium for-
titudo munitur, &c. Et B. Theodorus Studites epist. ad Paschalem PP.
Audi Apostolicum caput pastor omnium Christi à Deo electe, clavi-
ger Regni Cœlorum, Petra fidei, super quam edificata est Ecclesia Catho-
lica. Huc ades ab occidente, tibi namque dixit Christus Dens noster:
Tu aliquando conversus confirmā frātres tuos.

Cūm verò hoc duplex privilegium Petro concessum fuerit ob
bonum Ecclesiae, atque ut frātres suos confirmaret, à Sathanā impugna-
tos, & hæc utilitas, immo necessitas Ecclesiae, & impugnatio Sathanā
semper duret, oportuit & illud privilegium in successoribus perpetuari,
perpetuo Duce contra perpetuum hostem instructio; Concilium enim
generale nec semper haberi potest, multisq; modis impeditur, ut in pri-
mitiva Ecclesia, primi trecentis annis: & etiam celebrato quām pluri-
mæ exceptiones opponi possunt, nec quod legitimum fuerit, aliter
quām ex testimonio S. Pontificis constat: adeo ut in quāmcunque
partem te vertas, necessitatem summæ potestatis in Romano Pontifice
negare haud possis. V. circa hunc textum Lucæ Alfonsum Salmeronem
T. 12. Tr. 19. Et Agathonis dogmaticam epist in 6. Universali
synodo recitatam, & instar Oraculi acceptam. A. 4. ubi hunc textum
Lucæ eodem modo, quo nos, Agatho explicavit.

IV. Quartus locus scripturæ Joan. ult. Cum prandisset, inquit
Joannes, dicit Simoni Petro IESUS: Simon Ioannis, diligis me plus his?
dicit ei: etiam Domine, tu scis, quia amo te. Dicō ei: pasce Agnos meos.
Dicit ei iterum: Simon Ioannis diligis me? ait illi: etiam Domine, tu
scis, quia amo te. Dicit ei: pasce Agnos meos. Dicit ei tertio: Simon Io-
annis amas me? Contra statuus est Petrus, quia dixit ei tertio, amas me? O
dixit ei: Domine tu omnia nosti, tu scis quia amo te. Dixit ei: pasce Oves
meas.

Circa hunc locum, ut bene intelligatur, notandum est primi: Hæc
verba Christi: Pasce Oves meas, ad solum Petrum spectare ditrigue,
quibus quæ Matthæi 18. promiserat, actualiter præstat. Cum solo
enim

enim Petro loquitur, solum examinat, responsum à solo accipit, aliósque Apostolos à summa & Monarchicâ potestate excludit, & inter oves Petru commissas ponit, etant enim prælentes Jacobus, Joannes, Thomas, quos cùm Petrus amore vinceret, vicit etiam potestate pascendi que curâ, & ita Catholici omnes & Patres sentiunt.

Notandum est 2. Per illam vocem: *Pasce*: summam potestatem omnémque pascendi curam fuisse commendatam. Actus enim Pastoralis non tantum est præbere cibum; sed etiam ducere, reducere, compellere, abigere, tueri, mederi, secare, &c. & quidquid denique ad procurandas Oves spectat, &c. Immo usitatissimâ phrasî Scripturæ pascere, & præsertim verbum græcum, quo Joannes utitur, significat jurisdictione uti regendo, præsidendo, gubernando, &c. ut patet Isaïæ 44.v. 28. *Qui dico Cyro, Pastor meus es tu.* Et Ezechielis 34. ubi eleganter functiones mystici Pastoris describuntur. Et Psalmo 2. ubi legimus: *Reges eos in virga ferrea:* Græcus & Hebraicus habet: *Pasces eos.* Eodem modo Matthæi 2. ubi noster habet: *Exiit mihi Dux qui regat Populum meum Israël:* Græcus habet: *qui pascat.*

Notandum 3. cùm Christus dicat: *Pasce oves meas,* nec exprimat quas, commisso omnes pascendas: cur enim potius istas, quam illas, cùm nullas in specie notet, aut excipiat? quæ ergo sunt oves Christi, sunt etiam oves Petri, nec illum Pastorem habere possunt, qui Petrum non habent. Audi B. Leonem serm. 3. de assump. sua. De toto, inquit, mundo unus Petrus elititur, qui & universarum gentium vocationi, & omnibus Apostolis, cunctisque Ecclesiæ Patribus præponatur: ut quamvis in populo Dei multi sint Sacerdotes, mulique Pastores, omnes tamen propriè regat Petrus, quos principaliter regit & Christus. Magnum & mirabile, dilectissimi, huic viro consortium potentia sua tribuit divina dignatio, & si quid commune cum eo ceteris voluit esse Principibus, nunquam nisi per ipsum dedit, quidquid alii non negavit. S. Bernardus lib. 3. de considerat. c. 7. Tu, inquit, es, cui claves tradita, cui oves credita sunt. Sunt quidem & alii cœli janitores, & gregum Pastores, sed tu tanto gloriösius, quanto & differentius utrumque præceteris nomen hereditasti. Habent illisibi adsignatos greges singuli singulos, tibi universi crediti, uni unus. Nec modo ovium, sed & Pastorum tu unus omnium Pastor. Unde id probem queris? Ex verbo Domini. Cui enim non dico Episcoporum, sed etiam Apostolorum sic absoluente & in discretè tota commissa sunt oves? si me amas Petre,

Pp 2

Pasce

300 Summum Pontificem supra Concilium esse
Pasce oves meas. Quas? illius vel illius, populos civitatis aut regionis,
aut certi Regni? Oves meas, inquit, Cui non planum, non designasse ali-
quas sed adsignasse omnes? Nihil excipitur, ubi distinguitur nibil. Et
forte presentes ceteri condiscipuli erant, cum committens uni, unitatem
omnibus commendaret in uno grege & uno pastore secundum illud: Una
est columba mea formosa mea, perfecta mea. Ubi unitas, ibi perfectio.
Reliqui numeri perfectionem non habent, sed divisionem, recedentes ab
unitate, inde est quod alii singuli singulas sortiti sunt plebes, scientes Sa-
cramentum. Denique Jacobus qui videbatur columna Ecclesia, una con-
tentus est Hierosolymam, Petro universitatem cedens. Pulchre vero ibi
positus est suscitare semen defuncti fratris, ubi occisus est ille: nam dicitur
et frater Domini. Porro cedente Domini fratre, quis se alter ingrat
Petri prærogative? Ergo juxta Canones tuos alii in partem sollicitudini-
nis, tu in plenitudinem potestatis vocatus es. Aliorum potestas certis ar-
ratur limitibus, tua extenditur, & in ipsis, qui potestatem super alios
acceperunt. Nonne si causa extiterit, tu Episcopo Cœlum claudere, tu ip-
sum ab Episcopatu deponere, etiam & tradere Sathanam potes? Stat ergo
inconcussum privilegium tuum tibi tam in datis clavibus, quam in ovi-
bus commendatis. Accipe alius, quod nihilominus prærogativam confir-
mat tibi. Discipuli navigabant, & Dominus apparebat in littore:
quodque jucundius erat, in corpore redi: vo. Sciens Petrus, quia Domi-
nus est, in mare se misit, & sic venit ad ipsum, aliis navigio pervenienti-
bus. Quid istud? Nempe signum singularis Pontificii Petri, per quod
non navem unam, ut ceteri quique suam, sed seculum ipsum suscepit
gubernandum. Mare enim seculum est: naves, Ecclesia. Inde est, quod
altera vice instar Domini gradiens super aquas, unicum se Christi Vic-
arium designavit, qui non uni populo, sed cunctis praesesse deberet. Sig-
natum aquæ multæ, populi multi. Ita cum quisque cœterorum habeat su-
am, tibi una commissa est grandissima navis, facta ex omnibus, ipsa uni-
versalis Ecclesia toto orbe diffusa.

Et Innocentius III. in c. sollicitate Majorit. & obed. Nobis au-
tem in B. Petro sunt oves Christi commissa dicente Domino: Pas-
ce oves meas: Non distinguens inter has oves & alias, ut alienum &
suodemonstraret ovili, qui Petrum & successores ipsius magistros non
recognosceret.

Hoc ipsum videtur Ezechiel prædictissime c. 34. Ubi: Et suscitabo
super eas pastorem unum, qui pascat eas, servum meum David, ipse pascat
eas, & ipse erit eis in Pastorem, & Joannis 10. Ego sum Pastor bonus: &
alias

alias oves habeo, & fiet unum ovile, & unus Pastor. Quæ omnia licet de Christo primariò dicta sint, pertinent tamen etiam ad Petrum, ejusque successores, qui sunt Pastores Vicarii, non Principales. Sicut enim ovile est perpetuum, ita & Pastor; nec minus jam oves Pastore indigent quam olim, lupis æquè grassantibus. Et quamvis absolute loquendo potuisse Christus sine visibili Pastore Ecclesiam suam ovēsque regere, cum nullius creaturæ auxiliō ad producendos effectus cum gratiæ tūm naturæ indigeat; sicut potuit sine Sole mundum illustrare, sine igne calefacere, sine sacramentis sensibilibus gratiam suam & fidem largiri, sine gubernatore navim ad portum ducere, sine militibus victorias dare, hoc tamen Deus nunquam fecit, nec mundum immediate, sed per alias creaturas rexit, homines præsertim, ut planè in providentiam divinam alium novumque ordinem inducat, qui dicit visibilem ejus Ecclesiam à nullo visibili Pastore regi; Et visibili huic corpori, invisibile tantum caput esse: nec ad Concilium confugias; quia non huic, sed Petro dictum est: *Pasce oves meas.* Nec possunt tot Episcopi unus Pastor appellari: malèque suis ovibus providisset Christus, Pastore dato tam difficilis conventionis, & cui, ne accurat, tot impedimenta moræque opponi possunt, vagis interim ovibus; & lupo, dum Concilium paratur expositis.

Ex hoc Joannis loco facile multisque modis apparet, quantum Romanus Pontifex Concilio præstet. Aut enim Episcopi in Concilio universalis oves Christi, aut ovile, aut Pastores universæ Ecclesiæ sunt: nam particulares esse haud negamus. Si oves aut ovile sunt: ergo unum & visibilem Pastorem habent, cui subfunt, cui obediunt, quem sequuntur: quem alium, præter Petri successorem? nisi dicant, se oves esse sine Pastore, & consequenter nec Christi; hic enim ovibus suis Pastorem dedit: *Petre amas me? Pasce oves meas;* nam quas non pascis, non sunt meæ. Si vero Concilium Pastor est: imprimis quomodo unus Pastor tot Pastores? quomodo omnes Christi oves Petro datae, si tot exceptæ? nec exceptæ tantum, sed Petro antepositæ? aut hanc pascendi ipsum Pastorem, hoc est, Petrum, à Christo acceperunt, aut non acceperunt potestatem? si non acceperint, non ergo habent: si acceperunt, ostendant, quando, & quo loco, & quo in Evangelio dicatur

202 Summum Pontificem supra Concilium esse

Concilio: *Pasce Petrum, eis que Successores*: si enim apud Jurisconsultos pudor est, cùm sine lege loquuntur, multò magis apud Theologos, cùm sine Evangelio. Si dicas, Petro fuisse omnes oves Christi commissas sigillatim sumptas, non vero collectas, & Pontificem esse super omnes Episcopos separatum, non verò super omnes collectim, & in Concilio congregatos.

Respondeamus, hanc distinctionem nullo Evangelii, aut scripturæ testimonio nisi: est verò absurdum in re tanti momenti, perinde ac in controversia aliquâ philosophica, & ingenii exercendi causâ, tam claris scripturæ locis distinctionem opponere plane voluntariam, nec in scripturis, nec in Patribus repartam; quasi verò hâc semel admissâ philosophandi ratione, tam clare aliquid à scriptura dicatur, quod non facile in tuam sententiam torqueas. Immo scripturæ hæc explicatio repugnat: Pastoris enim est ovibus non tantum palantibus vagisque, sed etiam collectis imperare, ipsumque gregem in custodiam accipere; alioquin eodem modo, majorique ratione dicendum erit: Episcopos singulis quidem sive Diæcesis Sacerdotibus maiores esse, sed non omnibus congregatis, & ita Synodo subesse, ab eaque judicari posse, legesque accipere; sicut enim se habet Episcopus ad Sacerdotes, ita Pontifex ad Episcopos.

Deinde cum Christus Petro oves suas committit, id utique præstitit, quod *Matth. 18.* promiserat: ibi verò promiserat supra Petrum ædificare non Ecclesiæ tantum particulares, sed totam, & universam, hoc enim significant illæ voces: *Ecclesiæ meam: Tibi dabo claves Regni cœlorum.* Rex cum in Provinciam Vicarium mittit, aut proreget, ejusque fidei Regnum subditosque commendat, & singulos, & omnes coniunctim commendâsse intelligitur, adeò ut nulla statibus & comitiis generalibus in Vicarium sit potestas. Ridiculum planè dixeris Imperatorem, cui singuli tantum milites, non exercitus pareat. Qui contrariam sententiam tuerintur, vel hoc ipso imbecillitatem causæ suæ produnt, quod nec ipsi scripturæ locum aliquem producunt, ex quo appareat, datam Ecclesiæ in Petrum potestatem: & contra se productos non possunt declinare, nisi misere & in alienos sensus torqueant.

V. Quintus locus scripturæ habetur in actis Apostolorum c. 15.

ubi

ubi ortâ quæstione, an fideles recens ad Christum conversos oportet circumcidiri? missi sunt Paulus & Barnabas, qui Collegium Apostolicum consulerent: Statuerunt, inquit sacer textus, ut ascenderent Paulus & Barnabas, & quidam alii ex aliis ad Apostolos & presbyteros in Ierusalem super hanc quæstione, conveneruntque Apostoli & seniores videre de verbo hoc. Cum autem magna conquisitio fieret de verbo hoc, surgens Petrus dixit ad eos: *Quid tentatis Deum, imponere iugum super cervices discipulorum, quod neque Patres nostri, neque nos portare potuimus?* sed per gratiam Domini nostri Iesu Christi credimus salvati, quemadmodum & illi. Tacuit autem omnis multitudo.

Vides in hoc primo & præcipuo Concilio, hoc est Apostolico, Petrum non exspectatis aliorum suffragiis sententiam proferre, & Concilio, quid credere & facere oporteat, præscribere: illa enim verba: *Quid tentatis Deum &c.* non tantum sunt consulentis, sed omnino præscribentis, & definientis: quam sententiam totum Concilium communis omnium silentio veneratum est, comprobavitq; quasi lite jam finitâ, nec dubium aliud admittente: est enim dignum animadversione, quod notat scriptura, antequam Petrus decerneret, acriter in Concilio disputatum esse: cum autem magna conquisitio fieret &c. Sed Petro sententiam elocuto, silentium omnibus oppositum, causamque abolutam: *Tacuit autem omnis multitudo.* Jacobus postea Petri sententiam laudans adjecit: fidelibus imponendum esse, ut à suffocatis, & sanguine, cibisque Idolo immolatis abstinerent, ut tanto facilius cum Judæis convenienter, eosque ad fidem provocarent. Nec te moveat Concilium hoc Apostolicum in hæc verba decretum concepisse: *Visum est Spiritui Sancto & nobis.* Ubi nulla mentio Petri: nam hæc est omnium Conciliorum phrasis, modusque decernendi, etiam eorum, in quibus constat summos Pontifices præledisse, supremamque potestatem exercuisse, ut patet omnia Concilia gentibus, & ipsum Tridentinum. Cum enim Pontifex sit caput Concilii, per se notum est, quidquid à Concilio decernitur, multò magis à capite decerni, nec opus est aliâ expressione. V.D. Hieronymum in epist ad Augustinum, quæ inter epistolæ Augustini est undecima, ubi dicit: *B. Petrum fuisse Principem Decreti in hoc Concilio Apostolico editi, in ejusque sententiā Jacobum Apostolum, omnesque Presbyteros transiisse.* Idem habet Tertull. l. de Pudic.

Sil ergo Petrus in Concilio Apostolico, ubi omnes Spiritu sancto ple-

304 Summum Pontificem supra Concilium esse.

At pleni erant, & erroris incapaces, causam solus definit, aliisque silentium imponit, quis negat hanc illi potestatem in Concilio, ubi nec Apostoli sedent, nec ab erroribus liberi?

VI. *Sextum argumentum* sumitur ex variis scripturæ locis, in quibus status Ecclesiæ Monarchicus, unique capiti & sacerdoti subiectus aperte ostenditur: nam Osee 2. & in Cant. ac Apocalypsi Ecclesia frequentissimè comparatur sponsæ: Cant.6. exercitui ordinato, Matth. 3.4.5. & passim in Evangelii Regno, Joan. 10. Ovili. 1. ad Corinth cap. 12. & ad Roman. 12. Corpori humano &c.

At vero negari non potest, sponsam marito subesse, exercitum duci, regnum regi, Ovile pastori, & corpus capiti. Nec invenies in sacris litteris Ecclesiam aliquando rem publicam vocari, sed tantum regnum, familiam, dominum, &c. ut intelligas supremam in Ecclesia potestatem penes unam non plures esse.

Septimum argumentum ex sacris litteris sumitur à sensu negativo. Est enim in utroq; iure receptissimum axioma: *Regula inhærendum est, donec contrarium vel exceptio probetur*: Nec recedimus à regula, donec contrarium probetur I. ab ea parte. ff. de probat. I. apud antiquos C. defurt. c. 2. de conjug. Leprosor. c. ad decimas de restit. spoliat. in 6. ubi glos. quod maxime verum habet in sacris Scripturis, illisque quæ dependent ex sola Dei voluntate & institutione, quod eleganter more suo tradit S. Thomi. in 3. p. q. 1. a. 3. Sed nullibi reperiemus in sacris libris fuisse Ecclesiæ aut Concilio in Petrum datam potestatem: quo ergo fundamento hoc assentitur? nam locus ille Matth. 18. v. 15. Si peccaverit in te frater tuus, dic Ecclesia: nihil planè probat, cum ibi nec de Papa, nec de Concilio generali sermo sit, oportet enim quotidie cogi Concilia ad fratrum peccata deferenda & corrigenda: Cum ergo Christus toties Petrum Ecclesiæ præficiat, Ecclesiam verè nunquam; non videmus, quâ tandem ratione fieri possit, ut quod Christus & Scriptura toties & tam clare dicit, negetur, quod nunquam dicit, affirmetur: summus Pontifex Solus permittitur sanctuarium ingredi, & in dubiis Deum consule: solus Oraculum in pectore gestat, & sententiam dicit: at gestabit iudicium filiorum Israël in pectore suo in conspectu Domini semper. Exodi 28. Et qui eius præcepto non obedierit, mori jubetur: soli Pontifici dicitur, fundabo super te Ecclesiam meam: Soli: Confirmata fratres tuos: Etsi amas me: Pasce oves meas, non has vel illas, sed meas, hoc est omnes,

De Con-

De Concilio ne apex quidem nulla ergo ratio permittit, ut, quod scriptura nunquam dicit, nos dicamus; & quod toties, tantaque cum cura dicit, nos negemus.

§. V.

Conciliarum testimonias, quibus se Pontifici submittunt.

Summaria.

1. Papam Concilio superiorem esse, an in Conciliis antiquisq[ue] Patribus aliquando definitum?
2. Synodi Romanae testimonium.
3. Et Nicana.
4. Et Constantinopolitana.
5. Et Ephesina.
6. Et Chalcedonensis.
7. Et secunda Constantinopolitana.
8. Et tertia Constantinopolitana.
9. Et secunda Nicæna.
10. Et octava Ecumenica.
11. Et Concilii Lateranensis sub Alex. III.
12. Et Lugdunensis sub Gregorio X.
13. Et Constantiensis.
14. Et Florentini.
15. Et Lateranensis sub Leone X. à Rege Galliarum recepti.

I.

Rænotandum est, item hanc ultimis sæculis Pontifici motam esse, ab eo videlicet tempore, cum schismata Ecclesiam infestarunt, natæque hereses in Pontificem

Qq

arma-